

Matkò brodatò,  
Cëż to je lóz?!  
Dżiną Kaszëbi -  
Wëwidnił GÛS...

Mòże dze w lasach  
Sedzą jak zejç  
Czej ùrząd dulczy  
Na nich jak pies...?

Nie chcelë zeznac  
Chto kògùm, jak -  
Cobë z te nie bët  
Nowi pòdatk...

Za to, że wpiszesz  
"Kaszëbą jem" -  
Przińdze zapłacëc  
Tësąç sto szesc...

A czedë jãżëk  
Zaznaczisz nasz -  
Tej wëblãkùjesz  
Równò trzësta...

- Ni ma do dzëwù,  
Co tak sã sta  
Chcemë sã tacëc  
Cëszì kòta -

Tak rzeknął Józef -  
Kaszëbów Król.  
Szpëcëje ùszë  
Pòsłëszno lud...

Czedë zazwòni  
Ju we wsë zwón  
Wëkùknie na swiat  
Nòwikszi wszón,

Co partizanił,  
Czej bët spisënk  
Abò przekrãczno  
"Że Pòlòch" rzekł.

Òblecze kòszlã,

Na ni wësziwk  
I "po polskiemu"  
Mdze głupka rznął...

(...)

Mòże bëc tak-cos,  
Co w gùs-kòmputrze  
Pònaczwarzëłë  
Warszawsczi bùccë...

I jaczé zero  
Òsta ùjãté,  
Cobë Kaszëbóm  
Téż pòszło w piãtë...

Tómk Fópka, Czelno, 11 lżëkwiata 2023 rokù, gòdz. 6.20 p.p.